

Broj: 03-04-1954-4/2025
Sarajevo, 25.12.2025. godine

Primljeno:		26-12-2025	
Org. jed.	Broj	Priloga	Vrijednost
05/1	-02-	740	/25

PARLAMENT FEDERACIJE BOSNE I HERCEGOVINE

Predstavnički dom

gosp. Slaven Raguž, poslanik
gosp. Ivan Miličević, sekretar ✓

Predmet: Odgovor na poslanička pitanja

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), u prilogu Vam dostavljam akt Federalnog ministarstva kulture i sporta, broj: 03-02-5808-4/25 MMŠ od 19.12.2025. godine, koji sadrži odgovor na poslanička pitanja, koja je postavio poslanik Slaven Raguž.

S poštovanjem,



SEKRETAR VLADE

dr. sci. Edita Kalajdžić

Prilog: kao u tekstu

Broj: 03-02-5808-4/25 MMŠ
Datum, 19. 12. 2025. godine

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
Hamdije Čemerlića 2, 71000 Sarajevo

n/r Editi Kalajdžić, tajnici Vlade

11109

JK

BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

PRIMLUB/O: 25.12.2025			
Organizaciona jedinica	Klasifikacija	Redni broj	Broj priloga
03-04-1954-4/2025			

PREDMET: Odgovor na zastupnička pitanja Slavena Raguža, zastupnika u Zastupničkom domu Parlamenta Federacije Bosne i Hercegovine

VEZA: Vaš akt broj: 03-04-1954-4/25 od 28.11.2025. godine

Poštovana gospođo Kalajdžić,

Federalnom ministarstvu kulture i športa dostavili ste akt broj: 03-04-1954-4/25 od 28.11.2025. godine, a koji smo zaprimili 4. 12. 2025. godine, radi odgovora na zastupnička pitanja koje je uputio Slaven Raguž, zastupnik u Zastupničkom domu Parlamenta Federacije Bosne i Hercegovine, na koje dostavljamo odgovore kako slijedi:

PITANJE 1.

Koji su konkretni razlozi poništavanja konkursa i odluka Fondacije za kinematografiju za pozicije sufinansiranja filmskih projekata i komplementarnih djelatnosti za 2023. godinu, te šta je urađeno s planiranim sredstvima za Transfer za kinematografiju u 2023. godini (jesu li ostala neutrošena, preusmjerena ili prenesena u naredne godine)?

ODGOVOR: Zbog utvrđenih proceduralnih nepravilnosti koje su napravljene tijekom natječaja Fondacije za kinematografiju u 2023. godini i to radom Upravnog odbora u nepotpunom sastavu Antonio Beus i Milan Trivić, donošenjem odluka suprotno odredbama Statuta Fondacije za kinematografiju, suprotno točkama II i III Odluke o usvajanju Programa utroška sredstava Fondacije za kinematografiju i suprotno Pravilniku o procedurama i kriterijima za izbor korisnika sredstava Fondacije za kinematografiju Vlada Federacije Bosne i Hercegovine na 11. sjednici, održanoj 24. 8. 2023. godine donijela je dvije Odluke: Odluku o poništavanju Odluke Upravnog odbora Fondacije za kinematografiju o izboru korisnika sredstava Fondacije za kinematografiju po provedenom Javnom pozivu za izbor korisnika sredstava Fondacije za kinematografiju za pozicije sufinansiranja komplementarnih djelatnosti za 2023. godinu (V. broj:1144/2023 od 24. 8. 2023.) i Odluku o poništavanju Odluke Upravnog odbora Fondacije za kinematografiju o izboru korisnika sredstava Fondacije za kinematografiju za pozicije sufinansiranja filmskih projekata 2023. godinu (V. broj: 1145/2023 od 24. 8. 2023.).

Temeljem ovih obvezujućih odluka, Upravni odbor Fondacije za kinematografiju je poništio Odluku o izboru korisnika sredstava Fondacije za kinematografiju po provedenom Javnom pozivu za izbor korisnika sredstava Fondacije za kinematografiju za pozicije sufinansiranja komplementarnih djelatnosti za 2023. godinu, broj: 04-3-86-1/23 od 26.6.2023. godine, Konkurs za izbor korisnika sredstava Fondacije za kinematografiju za pozicije sufinansiranja komplementarnih djelatnosti za 2023. godinu, broj: 04-3- 59/23 od 26.4.2023. godine i Odluku o izboru korisnika sredstava Fondacije za kinematografiju za pozicije sufinansiranja filmskih projekata 2023. godinu, broj: 04-3-114/23 od 3.8.2023. godine i Konkurs/Natječaj za izbor korisnika sredstava Fondacije za pozicije sufinansiranje filmskih projekata za 2023. godinu, broj: 04-3-58/23 od 26.4.2023. godine.

Proceduralne nepravilnosti zbog kojih su donesene odluke o poništavanju svih odluka u vezi natječajnih procedura Fondacije za kinematografiju u 2023. godini su utvrđene i Rješenjem Jedinice za proračunsku inspekciju Federalnog ministarstva financija (broj:12-11-9-1-6398/23 od 19. 2. 2024. godine) kojim se nalaže Fondaciji za kinematografiju da otkloni nepravilnosti/nezakonitosti na način da se izvrši povrat novčanih sredstava od aplikanta u Proračun Federacije BiH temeljem zaključenih ugovora po svim odlukama o izboru korisnika sredstava za 2023. godinu.

Glede finansijskih sredstava za 2023. godinu, Fondacija za kinematografiju je uputila dopis Federalnom ministarstvu financija za mišljenje u vezi s utroškom sredstava iz 2023. godine, broj: 04-2-180/24 od 16. 9. 2024. godine. Fondacija je zaprimila odgovor Federalnog ministarstva financija broj: 04-02-4-7592/24 od 3. 10. 2024. godine, u kojem se ističe da se finansijska sredstva u iznosu od 1.850.762,29 KM terete po osnovu potencijalnih troškova temeljem presuda i drugih troškova postupaka, te da je iste potrebno ostaviti neraspoređene kako bi se mogli izmiriti potencijalni troškovi. Također, dio sredstava u iznosu od 248.356,80 KM je vraćen u Proračun Federacije Bosne i Hercegovine od strane korisnika. Preostali iznos je predmet potraživanja sudskim putem.

PITANJE 2.

Koliko je ugovora Fondacija za kinematografiju zaključila s korisnicima po konkursu za 2024. godinu (filmski projekti i komplementarne djelatnosti), u ukupnom iznosu te koliko je od tih ugovora:

- o a) u potpunosti isplaćeno,
- o b) djelomično isplaćeno i u kojem iznosu,
- o c) uopće nije isplaćeno?

ODGOVOR: Odgovor na ovo pitanje je u pravitku, u tekstu Fondacije za kinematografiju.

PITANJE 3.

Je li ijedan od tih ugovora formalno raskinut, izmijenjen ili stavljen van snage i, ako jeste, iz kojih razloga, na čiju inicijativu i u kojoj ukupnoj vrijednosti?

ODGOVOR: Ugovori po natječaju iz 2024. godine još uvijek nisu formalno raskinuti s obzirom da je Fondacija protiv Rješenja Jedinice za proračunsku inspekciju Federalnog ministarstva financija za natječaj u oblasti komplementarne djelatnosti pokrenula upravni postupak, a da je Rješenjem Jedinice za proračunsku inspekciju Federalnog ministarstva financija za natječaj filmske projekte naloženo djelomično poništavanje i djelomično postupanje po Odluci o izboru korisnika te da je Fondacija trenutno u proceduri postupanja po Rješenju za filmske projekte.

Cjelina odgovora na ovo pitanje je u privitku dopisa.

PITANJE 4.

Kada će biti okončan proračunski nadzor nad Fondacijom za kinematografiju i drugim fondacijama iz oblasti kulture (Fondacija za izdavaštvo, Fondacija za bibliotekarsku djelatnost, Fondacija za glazbene, scenske i likovne umjetnosti), te zašto dinamika provođenja nadzora odstupa od rokova predviđenih pravilnikom o vršenju nadzora nad zakonitošću rada ovih fondacija?

ODGOVOR: Temeljem zakonskih nadležnosti nadzor nad namjenskim korištenjem i raspolaganjem sredstava fondacija vrši Federalno ministarstvo financija, a nadzor nad zakonitošću rada fondacija vrši Federalno ministarstvo kulture i športa.

Što se tiče inspekcijskih nadzora Jedinice za proračunsku inspekciju Federalnog ministarstva financija koji se provode u Fondaciji za kinematografiju, Federalno ministarstvo kulture i športa nema utjecaja na rad i dinamiku nadzora za koje Federalno ministarstvo financija ima isključivu nadležnost.

Cjelina odgovora na ovo pitanje je u privitku dopisa.

PITANJE 5.

Je li za 2025. godinu usvojen i objavljen Program utroška sredstava za Transfer za kinematografiju, u kojem iznosu i s kojim kriterijima raspodjele, te ako nije - iz kojih razloga i u kojim rokovima se planira njegovo usvajanje?

ODGOVOR: Na 256. žurnoj sjednici od 14. 11. 2025. godine Vlada Federacije Bosne i Hercegovine je donijela Odluku o usvajanju Programa utroška sredstava sa kriterijima raspodjele sredstava Tekući transferi drugim nivoima vlasti i fondovima-Transfer Fondaciji za kinematografiju utvrđenog Proračunom Federacije Bosne i Hercegovine za 2025. godinu („Sl. novine FBiH“, broj: 89/25).

Ovom Odlukom utvrđeni su opći i posebni kriteriji za raspodjelu sredstava u ukupnom iznosu od 3.500.000,00 KM koji će dodjeljivati temeljem Javnog konkursa, a sukladno procedurama i kriterijima navedenim u Pravilniku o procedurama i kriterijima za izbor korisnika sredstava Fondacije za kinematografiju broj: 04-1-48/25 od 29. 7. 2025. godine („Sl. novine FBiH, broj: 70/25 od 12. 9. 2025.godine) .

PITANJE 6.

Je li vlada i nadležno ministarstvo planiraju da Fondacija za kinematografiju uopće raspiše konkurs za sufinansiranje filmskih projekata za 2025. godinu i, ako da, kada i u kojem okvirnom iznosu; ako ne, kako se planira utrošiti 3.500.000 KM predviđenih u Proračunu Federacije Bosne i Hercegovine?

ODGOVOR: Temeljem Odluke o usvajanju Programa utroška sredstava sa kriterijima raspodjele sredstava Tekući transferi drugim razinama vlasti i fondovima – Transfer Fondaciji za kinematografiju utvrđenog Proračunom Federacije Bosne i Hercegovine za 2025. godinu, koju je donijela Vlada Federacije Bosne i Hercegovine na 256. žurnoj sjednici, održanoj 14. 11. 2025. godine, Fondacija za kinematografiju ima preduvjete za raspisivanje natječaja za izbor korisnika u 2025. godini.

Fondacija je zatražila mišljenje Federalnog ministarstva financija o pripajanju neutrošenih sredstava iz 2024. godine te će se po zaprimanju traženog mišljenja donijeti Odluka o raspisivanju natječaja.

Fondacija samostalno donosi odluku o raspisivanju natječaja.

Srdačan pozdrav,

MINISTRICA

Sanja Vlajsavljević



Privitak:

- Odgovor Fondacije za kinematografiju na zastupnička pitanja, Broj: 04-2-172-1/25 od 9. 12. 2025. godine

Co: Federacija Bosne i Hercegovine
Parlament Federacije
Zastupnički dom
N/r: Dragan Mioković, predsjedatelj
Hamdije Kreševljakovića 3, 71000 Sarajevo



Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO KULTURE I ŠPORTA
FEDERALNO MINISTARSTVO KULTURE I ŠPORTA
SARAJEVO

Primljeno 11-12-2025			
Br. jed.	Klasif. oznaka	Reda broj	Broj priloga
03-02-5828-3			25

03
212905
09-12-2025

Min. Minda

Broj: 04-2-172-1/25
Sarajevo, 09.12.2025. godine

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO KULTURE I ŠPORTA
FEDERALNO MINISTARSTVO KULTURE I ŠPORTA
OBALA MAKA DIZDARA BR. 2
71000 SARAJEVO

n/r gospođi Sanji Vlasisavljević, ministrici

Predmet: Odgovor na zastupnička pitanja

Veza: Vaš akt broj: 03-02-5828-1/25 MMŠ od 08.12.2025. godine

Poštovana ministrice Vlasisavljević,

Fondacija za kinematografiju je dana 08.12.2025.godine zaprimila Vaš dopis, broj: 03-02-5828-1/25 MMŠ, te Vam u skladu sa traženim, u nastavku dostavljamo odgovore:

1. Koji su konkretni razlozi poništavanja konkursa i odluka Fondacije za kinematografiju za pozicije sufinansiranja filmskih projekata i komplementarnih djelatnosti za 2023.godinu, te šta je urađeno s planiranim sredstvima za Transfer za kinematografiju u 2023.godini (jesu li ostala neutrošena, preusmjerena ili prenesena naredne godine)?

Dana 19.2.2024.godine, Ministarstvo finansija FBiH – Jedinica za budžetsku inspekciju donijelo je Rješenje broj 12-11-9-1-6398/23, kojim se nalaže Fondaciji za kinematografiju da otkloni utvrđene nepravilnosti/nezakonitosti, naložene mjerama broj 6.1, 6.2 i 6.3 Zapisnika o inspekcijskoj kontroli, broj 12-11-9-1-6398/23 od 25.12.2023.godine, u dijelu navedenih mjera koje se odnose na povrat novčanih sredstava u Proračun FBiH na sljedeći način da:

- 1.1 Izvrši povrat novčanih sredstava od aplikanta u Proračun FBiH dodijeljenih po osnovu zaključenih ugovora po Odluci o izboru korisnika sredstava Fondacije za kinematografiju za pozicije sufinansiranja filmskih projekata za 2023.godinu, broj 04-3-114/23 od 3.8.2023.godine u ukupnom iznosu od 312.831,80 KM
- 1.2 Izvrši povrat novčanih sredstava od aplikanta u Budžet Federacije BiH dodijeljenih po osnovu zaključenih ugovora po Odluci o izboru korisnika sredstava Fondacije za kinematografiju za pozicije sufinansiranja filmskih projekata za 2023.godinu, broj 04-3-115/23 od 3.8.2023.godine u ukupnom iznosu od 252.321,00 KM i



FONDACIJA
ZA KINEMATOGRAFIJU
SARAJEVO

- 1.3 Izvrši povrat novčanih sredstava od aplikacija u Budžet Federacije BiH dodijeljenih na osnovu zaključenih ugovora po Odluci o izboru korisnika sredstava Fondacije za kinematografiju za pozicije sufinansiranja komplementarnih djelatnosti za 2023.godinu, broj 04-1-59/23 od 26.4.2024.godine u ukupnom iznosu od 361.250,00 KM.

Fondacija za kinematografiju je na gore citirano Rješenje Federalnog ministarstva finansija – Jedinica za budžetsku inspekciju, blagovremeno uložila žalbu, te je dana 17.4.2024.godine Federalno ministarstvo donijelo Rješenje broj: 06-11-9-1-3/24 kojim se Žalba Fondacije za kinematografiju odbija kao neosnovana.

Drugostepenim rješenjem Federalnog ministarstva Finansija broj: 06-11-9-1-3/24 navedeno je sljedeće:

- Procedura provedbe natječajne procedure i izbor korisnika sredstava Fondacije za kinematografiju za pozicije sufinansiranja filmskih projekata za 2023.godinu (Odluka o izboru-filmski projekti) provedena suprotno tački II. Odluke o usvajanju programa utroška sredstava s kriterijima raspodjele sredstava s pozicije „Tekući transferi drugim razinama vlasti i fondovima – Transfer za kinematografiju“ utvrđenog Proračunom Federacije Bosne i Hercegovina za 2023.godinu Federalnom ministarstvu kulture i sporta V. broj:521/2023 od 6.4.2023.godine („Službene novine FBiH“ broj: 26/23 od 12.4.2023 godine, u daljem tekstu: Odluka – program utroška) i suprotno Pravilniku.
- Procedura provedbe natječajne procedure i izbor korisnika sredstava Fondacije za kinematografiju za pozicije sufinansiranja filmskih projekata za 2023.godinu (Odluka o izboru – filmski projekti 2) provedena suprotno toč. II i III Odluke – program utroška i suprotno Pravilniku.
- Procedura provedbe natječajne procedure i izbor korisnika sredstava Fondacije za kinematografiju za sufinansiranje komplementarnih djelatnosti za 2023.godinu (Odluka o izboru – komplementarne djelatnosti) provedena suprotno toč II i III Odluke – program utroška i suprotno Pravilniku.

Konkurs i odluke Fondacije prvobitno su poništeni od strane Vlade FBiH, Odlukom o poništavanju odluke Upravnog odbora Fondacije za kinematografiju o izboru korisnika sredstava Fondacije za kinematografiju za pozicije sufinansiranja filmskih projekata 2023.godinu, V.broj: 1145/2023 od 24.8.2023.godine, te Odlukom o poništavanju odluke Upravnog odbora Fondacije za kinematografiju o izboru korisnika sredstava Fondacije za kinematografiju po provedenom javnom pozivu za izbor korisnika sredstava Fondacije za kinematografiju za pozicije sufinansiranja komplementarnih djelatnosti za 2023.godinu, V.broj: 1144/2023 od 24.8.2023.godine.

Po pitanju sredstava dodijeljenih Fondaciji za 2023.godinu, upućen je dopis Federalnom ministarstvu finansija za mišljenje u vezi sa utroškom sredstava iz 2023.godine, broj: 04-2-180/24 od 16.9.2024.godine. Fondacija je zaprimila odgovor federalnog ministra finansija broj: 04-02-4-7592/24 od 3.10.2024.godine, u kojem se ističe da se finansijska sredstva u



FONDACIJA
ZA KINEMATOGRAFIJU
SARAJEVO

iznosu od 1.850.762,29 KM terete po osnovu potencijalnih troškova po osnovu presuda i drugih troškova postupaka, te da je ista potrebno ostaviti neraspoređena kako bi se mogli izmiriti potencijalni troškovi. Također, dio sredstava u iznosu od 248.356,80 KM je vraćeno u Proračun FBiH od strane korisnika. Preostali iznos je predmet potraživanja sudskim putem.

Napominjemo da je šest korisnika po osnovu konkursa iz 2023. godine tužilo Fondaciju za kinematografiju.

2. Koliko je ugovora Fondacija za kinematografiju zaključila s korisnicima po konkursu za 2024.godinu (filmski projekti i komplementarne djelatnosti), u ukupnom iznosu te koliko je od tih ugovora:
- U potpunosti isplaćeno,
 - Djelomično isplaćeno i u kojem iznosu,
 - Uopće nije isplaćeno?

Fondacija je, po okončanom konkursu za 2024.godinu, zaključila 18 Ugovora za filmske projekte, te 11 ugovora za komplementarne djelatnosti, u ukupnom iznosu od 2.505.727,32 KM, od čega se iznos od 2.007.673,87 KM odnosi na filmske projekte, te iznos od 498.053,45 KM na komplementarne djelatnosti, te do sada:

- U potpunosti nije isplaćen niti nijedan ugovor.
- Po ugovorima za komplementarne djelatnosti isplaćene su prve tranše u iznosu 70% dodijeljenih iznosa, odnosno u ukupnom iznosu od 346.322,61 KM. Korisnik Udruženje Obala art Centar za projekat „Učešće bh filma „Nakon ljeta“ Danisa Tanovića na međunarodnim filmskim festivalima i filmskim smotrama, te nominaciji za nagradu Oscar“ izvršilo je povrat u iznosu od 2.314,60 KM nakon uplate prve tranše, ističući da im je vraćeni iznos bio suvišan, te su time iskoristili 5.588,40 KM i podnijeli izvještaj za pravdanje tog iznosa.
- Sredstva za 18 ugovora za filmske projekte u ukupnom iznosu od 2.007.673,87 KM nisu uopće isplaćena, iz razloga otpočinjanja budžetskog nadzora odmah po okončanju konkursa, odnosno po dodjeli sredstava. Naglašavamo da je svojim postupanjem Jedinica za budžetsku inspekciju izašla iz okvira svoje nadležnosti vršeći nadzor nad konkursom za filmske projekte po kojem ne postoji utrošak budžetskih sredstava, te da je Federalno ministarstvo kulture i sporta, koje je nadležno za nadzor nad zakonitšću rada Fondacije, izvršilo provjeru zakonitosti postupka izbora korisnika sredstava Fondacije, te kao nadležno Ministarstvo dalo saglasnost na postupak i Odluke o dodjeli sredstava.

Napominjemo da u kategoriji komplementarnih djelatnosti dva ugovora nisu uopće potpisana, u visini od 42.000,00 KM, zbog nemogućnosti otvaranja podračuna u skladu sa Pravilnikom, te inspekcijiskog nadzora.



FONDACIJA
ZA KINEMATOGRAFIJU
SARAJEVO

3. Je li ijedan od tih ugovora formalno raskinut, izmijenjen ili stavljen van snage i, ako jeste, iz kojih razloga, na čiju inicijativu i u kojoj ukupnoj vrijednosti?

Ugovori po konkursu iz 2024.godine još uvijek nisu formalno raskinuti, s obzirom da je Fondacija protiv Rješenja za komplementarne djelatnosti pokrenula Upravni postupak, a da je Rješenjem za filmske projekte naloženo djelimično poništavanje i djelimično postupanje po Odluci o izboru korisnika, te je Fondacija trenutno u proceduri postupanja po Rješenju za filmske projekte.

5. Je li za 2025.godinu usvojen i objavljen Program utroška sredstava za Transfer za kinematografiju, u kojem iznosu i s kojim kriterijima raspodjele, te ako nije – iz kojih razloga i u kojim rokovima se planira njegovo usvajanje?

Program utroška sredstava za Transfer za kinematografiju usvojen je dana 14.11.2025.godine, te objavljen u Službenim novinama FBiH broj 89/25 od 19.11.2025.godine. Program je usvojen u iznosu od 3.500.000,00 KM, sa sljedećim kriterijima:

- Opšti kriteriji za raspodjelu sredstava za programe navedene u tačkama 1., 2., 3., i 4., odluke su:

1. Filmski projektni prijedlog mora sadržavati relevantnu umjetničku vrijednost;
2. Izvodivost filmskog projekta sa relevantnom produkcijskom vrijednošću;
3. Udio osiguranih sredstava u finansiranju predmetnog projekta;
4. Osigurana vidljivost realizacije projekta.

- Posebni kriteriji za raspodjelu sredstava za programe navedene u tačkama 1., 2., 3., i 4., odluke su:

1. Da bitno doprinosi razvoju bosanskohercegovačke kinematografije;
2. Potpisani sporazumi i/ili ugovori sa svim navedenim partnerima na projektu;
3. Iskustvo predlagača projekta (dokaz su: nagrade, povelje, preporuke i si.);
4. Značaj projekta za ostvarivanje javnog interesa u oblasti filma;
5. Dugogodišnji kontinuitet rada aplikanta i značaj projekta;
6. Uspjeh prethodnog filma redatelja/ice i prethodnih filmova producenta/ice na domaćim i međunarodnim festivalima;
7. Kvalitetan i profesionalno napisan scenarij, kvaliteta dijaloga, uvjerljivi likovi i vještina pričanja priče, savremenost i/ili relevantnost za bosanskohercegovačku audiovizualnu umjetnost;
8. Uspjesi redateljevog/redateljičinog posljednjeg filma, kao i cjelokupni opus redatelja/ice, uvjerljivost i originalnost njegove/njezine redateljske koncepcije te uvjerenje da će on/ona biti sposoban umjetnički i operativno uspješno realizovati prijavljeni projekt.



FONDACIJA
ZA KINEMATOGRAFIJU
SARAJEVO

- Opšti kriteriji za raspodjelu sredstava za programe navedene u tačkama 5., 6., 7., 8., 9 i 10 odluke su:

1. Broj kalendarskih godina poslovanja aplikanta;
2. Udjel osiguranih sredstava u finansiranju predmetnog projekta;
3. Osigurana vidljivost realiziranja projekta.

- Posebni kriteriji za raspodjelu sredstava za programe navedene u tačkama 5., 6., 7., 8., 9., i 10 odluke su:

1. Da bitno doprinosi razvoju bosanskohercegovačke kinematografije;
2. Potpisani sporazumi i/ili ugovori sa svim navedenim partnerima na projektu;
3. Iskustvo predlagača projekta (dokaz su: nagrade, povelje, preporuke i si.)
4. Značaj projekta za ostvarivanje javnog interesa u oblasti filma;
5. Dugogodišnji kontinuitet rada aplikanta i značaj projekta;
6. Karakter i veličina festivala.

-Opšti kriteriji za raspodjelu sredstava za programe navedene u tački 11. odluke su:

1. Jačanje kapaciteta filmskih profesionalaca;
2. Udjel osiguranih sredstava u finansiranju predmetnog projekta;
3. Poticanje kreativnog razvoja i stručne kompetencije;
4. Osigurana vidljivost realizovanja projekta.

-Posebni kriteriji za raspodjelu sredstava za programe navedene u tački 11. odluke su:

1. Kvalitet programa kod organizovanja kulturnih događaja, njihova održivost i tradicija;
2. Motivaciono pismo;
3. Relevantan program za profesionalni razvoj u filmskoj industriji.

Također, iako dopisom nije traženo izjašnjenje na pitanja pod rednim brojem 4 i 6, dostavljamo Vam informacije u dijelu pitanja koja tiču Fondacije za kinematografiju:

- 4. Kada će biti okončan proračunski nadzor nad Fondacijom za kinematografiju i drugim Fondacijama iz oblasti kulture (Fondacija za izdavaštvo, Fondacija za bibliotekarnu djelatnost, Fondacija za glazbene, scenske i likovne umjetnosti), te zašto dinamika provođenja nadzora odstupa od rokova predviđenih pravilnikom o vršenju nadzora nad zakonitošću rada ovih fondacija?**

U dijelu pitanja koji se tiče Fondacije za kinematografiju ističemo da je nadzor Jedinice za budžetsku inspekciju nad konkursom za 2024.godinu, koji je otpočeo dana 17.01.2025.godine, u dijelu za komplementarne djelatnosti okončan dostavljanjem Djelimičnog zapisnika JBI dana 12.06.2025.godine, odnosno dostavljanjem Rješenja JBI od 25.08.2025.godine, te potvrđeno Rješenjem Federalnog ministra finansija od 29.9.2025.godine. Fondacija za kinematografiju pokrenula je Upravni postupak protiv zaprimljenog Rješenja, međutim s obzirom da tužba ne sprječava izvršenje upravnog akta, Fondacija je bila dužna postupiti po Rješenju, te su



FONDACIJA
ZA KINEMATOGRAFIJU
SARAJEVO

korisnicima upućeni zahtjevi za povrat sredstava kako je naloženo Rješenjem Federalnog ministra finansija.

U dijelu konkursa za filmske projekte, Fondacija je zaprimila dana 09.10.2025.godine Djelimični zapisnik JBI nakon gotovo devet (9) mjeseci od otpočinjanja istog, odnosno Rješenje JBI dana 24.10.2025.godine, te drugostepeno Rješenje Federalnog ministra finansija od 28.11.2025.godine.

- 6. Je li vlada i nadležno ministarstvo planiraju da Fondacija za kinematografiju uopće raspiše konkurs za sufinansiranje filmskih projekata za 2025.godinu i, ako da, kada i u kojem okvirnom iznosu; ako ne, kako se planira utrošiti 3.500.000 KM predviđenih u Proračunu FBiH?**

Obzirom da je Odluka o Programu utroška sredstava usvojena, te da su sredstva doznačena na račun Fondacije, Upravni odbor Fondacije će donijeti Odluku o raspisivanju konkursa te dostaviti svu potrebnu dokumentaciju nadležnom Federalnom ministarstvu kulture i sporta na saglasnost. Fondacija je zatražila mišljenje Federalnog ministarstva finansija o pripajanju neutrošenih sredstava iz 2024.godine, te će se po zaprimanju traženog mišljenja donijeti Odluka o raspisivanju konkursa.

S poštovanjem,

PO OVLAŠTENJU UPRAVNOG ODBORA

ČLANICA UPRAVNOG ODBORA

Alma Cerić
Alma Cerić

